

Su meritonan durante guerra a dune Nacionalidad Hulandes

Herbert Schnog: Un ehemplo pa di perseverancia

***Na edad di 44 aña el a regresa bankinan di school pa drenta negoshi di auto

ORANJESTAD(AAN)-- Herbert Schnog ta e fundador di Garage Cordia. Pero pa por a realiza un deseo, cu a nace ora hopi hende ya lo a perde tur speranza, e mester a duna muestra di un tremendo forza di boluntad y esfuertonan grandi. Pasobra hasta su nacionalidad, e mester a merece!

Herbert Schnog a nace na Bergheim, Alemania, caminda persecucion religioso a bira e simbolo di Nazinan. Su religion a haci cu Herbert Schnog mester a huy di Alemania durante Segundo Guerra Mundial. El a bay Hulanda, caminda el a bay forma parti di resistencia contra Nazi.

Ora el a cay den man di siguidoman di Hitler, Herbert

Schnog a cera conoci cu e horror di varios campo di concentracion. Pero su caracteristica, cu te awe ta acompahe den forma di un tremendo forza di boluntad y esfuertonan grandi, a haci cu el a sobrebibi e camponan di concentracion.

Despues di Segundo Guerra Mundial el a casa y a cuminsa traha den ramo di confeccion. Asina el a bira e negociante mas grandi ariba su tereno na Amsterdam. Na aña 1955 el a haya nacionalidad Hulandes a base di e tremendo labor cu el a presta den resistencia durante Guerra Mundial. Den e Mensahe, cu a acompahe y Decreto Real, a worde treci dilanti cu el a proba di ta merece e Nacionalidad Hulandes.

Mas reto tabata spera Herbert Schnog. Na 1955 confeccion na Hulanda a cuminsa bay atras, como cu tur paña casi tabata worde fabrica na Lejano Oriente. Den e tempo aki el a dicidi di drenta e ramo di auto. Na edad di 44 aña el a regresa bankinan di school y cu e placa cu el a gana el a inscribi na school di Willem van Rijn na Amsterdam pa siña traha cu diesel.

Na 1956 el a bay Curacao, caminda el a cuminsa traha cu su rumannan na Garage Cordia N.V. Pero pronto a nace atrobe e deseo pa e tin su propio negoshi y pesey na 1960, el a dicidi di muda pa Aruba. Hunto cu algun otro accionista, el a bira doño di Autorama N.V., cu e tempo

tabata importa Volkswagen y Peugeot.

Despues di 5 aña e deseo di Herbert Schnog a worde cumpli. Ta exactamente 25 aña pasa, cu el a firma e contrato entre Toyota y Garage Cordia Aruba N.V. pa asina haya agencia di Toyota na Aruba. Despues di hopi tempo, Herbert Schnog tabata tin su propio negoshi atrobe.

Traha cu Toyota: pa Herbert Schnog esaki a bira un di e experencianan mihor di su bida.

Atravez di añanan Herbert Schnog a mira e empresa sigui crece. Na final di decada 70, ora ya e empresa a demostra cu e tin un lugar definitivamente na Aruba, Herbert Schnog poco poco a cuminsa retira di e ocupacionnan diario di Garage

Cordia. Pero te awe tur empleado ta sigui buske pa conseto ora e bishita e empresa.

E filosofia di Herbert Schnog ta worde mantene den e sistema moderno d awe: servicio y entrega di piezanan pa asina por sigui vende.

25 aña pasa Herbert Schnog a realiza su deseo cu Garage Cordia Aruba N.V. Pero, manera e mes ta bisa awe, tur esaki no por a worde logra sin e cooperacion di su empleadonan, di Toyota Motor Corporation y especialmente e Pueblo di Aruba. Su gradecimento a bay pa e tres gruponan aki, cu e speranza cu Garage Cordia Aruba N.V. por sigui sirbi Aruba otro 25 aña mas cu e bon producto, cu yama Toyota.

Edificio di tres piso pa Garage Cordia

ORANJESTAD(AAN)-- Na 1983, Herbert Schnog a duna su aprobacion na plannan pa expande Garage Cordia. Venta di autonnan nobo a alcanza un punto, cu no tabata tin suficiente espacio pa administracion y venta. Un edificio di oficina cu un segundo piso, a worde añadi na e compleho.

Tabata justamente ora a caba

di realiza e plan aki, cu informe a worde ricibi, cu Lago lo bay cera su portanan. Un sla enorme pa negoshinan di auto na Aruba, cu a conoce un periodo sumamente dificil ora venta a basha abao.

Cu esfuerso di henter personal y banconan local, Garage Cordia a supera e tempo dificil di crisis. Awor na celebracion di

su 25 aña di existencia, compania ta bisa cu el a regresa na su punto di antes y hasta a supera e logronan di antes.

A bay bon cu Garage Cordia Aruba y esaki ta sali dilanti den e cantidad di plaquette cu el a ricibi durante añanan y e reconocimie to cu e ta ricibi di parti di Toyota.

Garage Cordia tin confianza

den Aruba. Pesey e tin plannan grandi pa futuro cercano. Un cuarto fase ya ta worde diseña y ta consisti di un expansion cu un edificio di tres piso, caminda lo bay tin autonnan ariba e dos promer pisonan tambe. Ariba e promer piso lo tin tambe un departamento sumamente moderno pa saca sla. Ta trata aki di un inversion di dos millon.

E quinto fase tambe ta worde discuti caba. Lo bay amplia e showroom cu dos piso ariba pa asina por haya mas espacio pa oficina. E proyecto aki mester worde realiza na 1994.

Celebrando su 25 aña di existencia, Garage Cordia Aruba N.V. ta recorda pasado pa por sigui dirigi vista ariba futuro.



GCA

Garage Cordia Aruba N.V.

TA PARTICIPA CU NAN LO TA SERA DIA 29 DI JUNI
HENTER DIA EN RELACION CU NAN DI 25 AN-
NIVERSARIO

*Servicio na
promer lugar*

ORANJESTAD(AAN)-- Servicio tabata loke señor Herbert Schnog a pone na promer

lugar. Su lema tabata cu un cliente lo regresa semper si e por haya pieza y servicio pa su auto.

Pesey sumanan grandi a worde inverti den e tayer, deposito y stock di pieza.

